

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Basauriko Udala**

20/2021 Legearen 2.1 artikulutik eratorritako epe luzeko behin-behineko enplegua egonkortzeko prozesu bereziaren deialdiaren oinarri espezifikoak, Administrazio Bereziko eskalako Zerbitzu Berezien azpieskala teknikoari dagokiona (Lanbidetako Langileen klaseko Hodigile Soldatzaile Plaza, C taldea, C2 azpitaldea).

Alkate jaunak 4315/2022 Dekretua eman du, 2022ko abenduaren 20an. Honelaxe dio bertako testuak:

Lehenengoa: Hodigile Soldatzaile ofizialaren plaza bat (1) txanda irekiz hautatzeko deialdia onartzea. Lanpostu hori Administrazio Bereziko eskalako azpieskala Zerbitzu Bereziei dagokio, Lanbideetako langile klasea, C taldea, C2 azpitaldea 294. KOD.

Bigarrena: Hodigile Soldatzaile ofizialaren plaza txanda irekiz eta Oposizio Lehiaketaren bidez betetzeko hautaketa-prozesua arautuko duten oinarri espezifikoak onartzea. Lanpostu hori Administrazio Bereziko eskalako azpieskala Zerbitzu Bereziei dagokio, Lanbideetako Langile klasea, C taldea, C2 azpitaldea 294. KOD.

Hirugarrena: Deialdia Bizkaiko Aldizkari Ofizialean argitaratzeko agindua ematea, bai eta deialdiaren laburpena Estatuko Aldizkari Ofizialean argitaratzeko agindua ere.

Laugarrena: Deialdia onartzen duen dekretuaren aurka, administrazioarekiko auzierrekurtsoa aurkeztu ahal izango da, argitaratu eta hurrengo egunetik aurrera, bi hilabeteko epean, Bilboko Administrazioarekiko Auzietako Epaitegian, edo, aukeran, berraztertze errekurtsoa, hilabeteko epean, ebazpena eman duen organo beraren aurrean, uztailaren 13ko 29/1998 Legearen 46.1 artikuluan eta Administrazio Publikoen Administrazio Prozedura Erkidearen urriaren 1eko 39/2015 Legean aurreikusitakoaren arabera.

Basaurin, 2022ko abenduaren 21ean.— Alkatea, Asier Irigorri Basaguren



20/2021 LEGEAREN 2.1 ARTIKULUTIK ERATORRITAKO EPE LUZEKO BEHIN-BEHINEKO ENPLEGUA EGONKORTZEKO PROZESU BEREZIAREN DEIALDIAREN OINARRI ESPEZIFIKOAK, ADMINISTRAZIO BEREZIKO ESKALAKO ZERBITZU BEREZIEN AZPIESKALA TEKNIKOARI DAGOKIONA (LANBIDETAKO LANGILEEN KLASEKO HODIGILE SOLDATZAILE PLAZA, C TALDEA, C2 AZPITALDEA)

1. - Deitutako plazak.

Administrazio Bereziko Eskalako Zerbitzu Berezien Azpieskalako karrerako funtzionario plaza bat (lanbidetako langile klaseko hodigile-soldatzailea, C taldekoa, C2 azpitaldekoa) betetzeko deialdia egiten da, txanda irekian, honela banatuta:

PLAZA KOPURUA 1	LOTUTAKO LANPOSTU KOPURUA	EZAUGARRIAK (hizkuntza-eskakizuna, derrigortasun-data, Destino Osagarria, Berariazko Osagarria, betekizun espezifikoa.)
KOD 9016	KOD 294 HOGIDILE SOLDATZAILE OFIZIALA	Ez nahitaezkoa: HE 1. Taldea: C Azpitaldea: C2 Destino Osagarria: 17 Bereiazko Osagarria : 18.081,25€

EGINKIZUNAK

Tailerreko berezko lanak egitea, hain zuzen ere, erabilerako ondasunei edota zerbitzu publikoei lotutakoak. Lanpostuaren eginkizunak aurrera eramateko esleitutako baliabide materialak edota giza baliabideak kudeatzea. Laguntzaileek eta lan-kontratudunek tailerlean egindako lanak kontrolatu eta ebaluatzea. Udal-eraikinetan, bide publikoan eta hiri-altzarietan soldatzaile-lanak egitea. Laguntzaileek eta lan-kontratuko langileek egindako lanak gainbegiratzea. Langileak lanean hasteko hautaketa-probak egiten laguntzea eta, oro har, lanbideari eta kategoriari lotuta bere nagusi funtzionalak agintzen dizkion lan guztiak egitea.

2.- Parte hartzeko eskakizunak.

2.1.- Plazak lortu nahi dituztenek oinarri orokorretako 2. paragrafoan oro har ezarritako baldintzak bete beharko dituzte.

2.2.- C2 azpitaldeko plazak hautatzeko deialdietan izena emateagatik tasaren zenbateko: 9€

2.3.- Oinarri orokorretako 2. h) apartatuan xedatutakoari dagokionez, DBH, eskola-graduatuak, LH1, edo baliokidea eskatzen da.

3.- Lanpostuak esleitzeko berariazko betekizunak.

Deialdi honen xede den plazari lotutako lanpostuan ez da euskararen 1. hizkuntza-eskakizuna



betetzeko baldintza. Euskara jakitea merezimendua da, ez baitago ezarrita derrigortasun-data.

4.- Hautaketa-prozesua.

Hautaketa-sistema lehiaketa-oposizioa izango da:

4.1. Oposizio fasea

Oposizio-fasean hiru proba egingo dira: bi derrigorrezkoak eta baztertzailleak izango dira, eta bat borondatezkoa eta ez baztertzaillea.

Oposizio fasean gehienez ere 60 puntu eskuratu ahalko dira.

4.1.1.- Lehen proba (Derrigorrezkoa eta baztertzaillea)

Teoriko-praktikoa izango da eta bi zati izango ditu:

A zatia: galdetegi bat izango da eta erantzuteko hainbat aukera izango ditu. Galderak oinarri espezifiko hauen I. eranskineko gaitegi orokorraren ingurukoak izango dira.

B zatia: galdetegi bat izango da eta erantzuteko hainbat aukera izango ditu. Kasu teoriko-praktikoak izango dira eta oinarri espezifiko hauen I. eranskineko gaitegi espezifikoaren ingurukoak izango dira.

Probaren gehienezko balioa 20 puntukoa izango da (A zatiak 0-10 puntu artean eta B zatiak 0-10 puntu artean). Erantzun oker bakoitzeko erantzun zuzen baten balioaren heren bat kenduko da, eta kanporatuak izango dira proba osoan 10 puntu edo gehiago eskuratzen ez dituztenak.

4.1.2. Bigarren proba (derrigorrezkoa eta baztertzaillea)

Epaimahaiak gai-zerrendan jasotako gaiarekin lotuta planteatutako kasu praktiko bat edo batzuk egin beharko dituzte izangaiek. Bere puntuazioa 0 eta 40 puntu artekoa izango da, eta bi zifra hamartar ere onartuko dira. Proba gainditzeko 20 puntu lortu beharko dira.

Izangaiei deialdi bakarra egingo zaie, Funtzio Publikoko Estatu Idazkaritzaren ebazpenak ezarritako hurrenkeraren arabera. Ebazpen horren bidez, Estatuko Administrazioaren Zerbitzuko Langileen Sarrerari buruzko Araudi Orokorrean aipatzen den zozketaren emaitza argitaratzen da, proba egiten den urteari dagokiona.

Proba hasi baino lehen, epaimahaiburuak edo hark eskuordetutako kideak ahoz jakinaraziko die hautagaiei probaren fitxa formalizatuen edukia. Fitxa horretan, egin beharreko lanak, erabilgarri dauden materialak, gauzatzeko denborak eta lanen kalitate-estandarrak jasoko dira.

Ariketa honetan honako hauek ebaluatuko dira: kasu praktikoak ebazteko gaitasuna, materiala, makineria eta lan-teknikak behar bezala aplikatzea, lanak egitean garbitasuna eta segurtasuna, bai eta ezagutza teoriko-praktikoak peoi balioaniztun baten berezko funtzioei modu arrazoituan aplikatzea ere. Udalaren kontura izango dira proba egiteko behar diren baliabide teknikoak eta materialak eta tresnak.

Epaimahaiak, proba egin eta gero eta dagokion erabakia hartuta, erantzun zuzenak argitaratuko ditu oinarri orokorren 5. apartatuan aipatutako lekuetan.

4.1.3. Hirugarren ariketa: (Borondatezkoa eta ez-baztertzaillea) Hizkuntza eskakizuna egiaztatzeko proba

Euskararen ezagutzaren lehen hizkuntza-eskakizuna (ez da nahitaezkoa) egiaztatzean datza.



Hautagaiak euskara-proba egitea salbuetsita egongo dira, baldin eta, hura egin aurretik, jarraian aipatutako egoeraren batean daudela egiaztatzen badute epaimahaiaren aurrean:

1. *Lehen hizkuntza-eskakizuna edo hortik gorako bat edukitzea, edo horren baliokidea den titulu edo ziurtagiri bat izatea, 297/2010 Dekretuaren arabera, zeinak euskararen jakite-maila egiaztatzen duten tituluak eta ziurtagiriak baliokidetu, eta Hizkuntzen Europako Erreferentzia Marko Bateratuko mailekin parekatzen baititu.*
2. *Proba egiteaz salbuetsita egotea, euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagiriaren bidez egiaztatzetik salbuesteko apirilaren 3ko 47/2012 Dekretuak xedatutakoaren arabera.*

Hizkuntza-eskakizuna honela egiaztatu beharko da:

- a) *IVAPek, HABEk, Osakidetzak edo Eusko Jaurlaritzako Hezkuntza Sailak emandako ziurtagiriak edo tituluak dituzten pertsonak baimena eman ahal izango diote Basauriko Udalari hautaketa-prozesuan parte hartzeko eskabidean, ziurtagiri horiek egiaztatzen dituzten.*

Aurreko paragrafoan aipatutakoek bestelako euskarako ziurtagiriak edo tituluak dituztenek, edo Udalari egiaztatzen ez diotenek edo ondoren lortzen dituztenek alegatutako tituluaren edo ziurtagiriaren kopia aurkeztu beharko dute euskara-probak egin aurretik.

- b) *47/2012 Dekretuaren arabera, ikasketak osorik edo zati batean euskaraz egiteagatik hizkuntza-eskakizunaren azterketa egitetik salbuetsita dauden pertsonak. Pertsona horiek eskabidean hori alegatu beharko dute, eta, euskara-proba egin aurretik, ikasketak amaitu dituzten zentroak edo unibertsitateak emandako ziurtagiriaren kopia aurkeztu beharko dute.*

Ariketa hau 5 punturekin baloratuko da. (Lehiaketan- fasean)

4.1.4 Proben garapena.

Eskala, azpieskala edo kategoria bakoitzeko hautagaiak deituak izango dira probak egiteko deialdi bakarrean. Epaimahaiak hautapen probetan aukera eta tratu berdintasuna bermatzeko, proben deialdiko baldintzak aldatu ahal izango ditu haurdunaldi, erditze edo ezinbesteko bestelako arrazoiak direla-eta proba egitera joan ezin diren pertsonentzat. Inguruabar horiek, ahal den heinean, epaimahaiari jakinarazi beharko zaizkio proba egin aurretik, eta justifikazio agiriak atxiki beharko dira.

Epaimahaiak proba egiteko denbora eta bitartekoak egokituko dizkie egokitzapenak behar dituzten eta parte-hartze eskarian hala adierazi duten hautagai, eta horrela, gainerako parte-



hartzaileekiko aukera berdintasuna izango dute, baldin eta horrekin probaren edukia hutsaltzen ez bada eta beharrezko gaitasun maila gutxitzen edo urritzen ez bada. Hautaketa probak egitera joan ahal izango dira prozesuan onartuak izan diren pertsonak eta baztertuak izanda ere, egiaztatzen dutenak ebazteke dagoen gora jotzeko errekurtoa jarri dutela. Identifikazio ondorioetarako probak egitera joango dira Nortasun Agiri Nazionalarekin, pasaportearekin edo gidabaimenarekin.

Oposizio faseko proba bukatuta, epaimahaiak behin-behineko emaitzak argitaratuko ditu eta 10 egun balioduneko epea ezarriko du erreklamazioak jartzeko. Epe hori bukatuta eta hala badagokio aurkeztu diren erreklamazioak ebatzita, epaimahaiak jendaurrean erakutsiko ditu behin betiko emaitzak.

Emaitzen argitaratzeak jakitera emango dira oinarri orokorren 5. oinarrian aipatutako lekuetan.

4.1.5.- Oposizio faseko puntuazioen zerrenda.

Oposizio faseko probak bukatuta eta hala badagokio, aurkeztu diren erreklamazioak ebatzita, epaimahaiak aginduko du gainditu dutenen puntuazioen behin betiko zerrenda argitaratzea, eta sarbide txandaren eta modalitatearen arabera argitaratuko dira.

4.2. Lehiaketa fasea

Lehiaketa fasean gehienez ere 40 puntu lortu ahal izango dira eta puntuen baturak zehaztuko du baremo honen arabera:

A) Esperientzia: 30 puntu gehienez

a.1. Esperientzia orokorra:

Esperientzia orokortzat hartzen da edozein administrazio publikotan, deialdia egin duen administrazioan barne, dagokien hautaketa-prozesuaren muina diren arestikoekin parekatutako esperientzia, baldin eta zerbitzu horiek aurreko kidego, eskala, azpieskala, aukera, espezialitate edo lanbide-taldeetan emandako zerbitzuengatik izandako esperientzia, eragin duen harremanaren arabera langile hori funtzionarioa zein lan-kontratuduna izan.

Gehienez 10 puntu emango dira, baremo honen arabera:

- Administrazio Bereziko Eskalako Zerbitzu Berezien Azpieskala Teknikoan (lanbideetako langileen klasea, C taldea, C2 azpitaldea, hodigile- soldatzaile ofiziala, edo funtzionalki antzekoak) edozein administrazio publikotan, deialdia egin duen administrazioan barne, egindako zerbitzuengatik 0,0046 puntu lan egindako egun bakoitzeko.

a.2. Berariazko esperientzia:

Hautaketa-prozesuan deitutako lanpostuak betetzeagatik deialdia egin duen administrazioan emandako zerbitzuak berariaz, bereizita eta esperientzia orokorraren balorazioaren osagarri gisa baloratuko dira, gehienez ere 20 punturekin, baremo honen arabera:

- Administrazio Bereziko eskalako zerbitzu berezien azpieskala Teknikoan (lanbideetako langile klasea, C taldea, C2 azpitaldea, hodigile- soldatzaile ofiziala, edo funtzionalki antzekoak) administrazio deitzailean egindako zerbitzuengatik, 0,0092 puntu lan egindako egun bakoitzeko.

Zenbatzeko, erakunde bakoitzean lan egindako aldien batura egingo da. Nolanahi ere, lanaldi partzialean edo lanaldi murriztuan lan egindako aldiak lanaldi osoan lan egindakotzat hartuko dira. Ezin izango da egun berean kontratu/izendapen bat baino gehiago zenbatu.



B) Merezimendu akademikoak. Gehienez 5 puntu emango dira merezimendu hauengatik:
b.1.- Deitutako lanpostuan sartzeko eskatzen den prestakuntza akademikoa baino maila bat (1) handiagoko titulu bat izateagatik, betiere deitutako plazei lotutako lanpostuen funtzio-eremuari egokitutako titulazioak badira: 5 puntu

C2: Batxilergo edo teknikari titulua, edo baliokidea

c.- Euskara ezagutzak.

Derrigortasun-data igarota ez izateagatik baldintza ez den lanpostuetan bakarrik baloratuko da euskararen ezagutza, baremo honen arabera:

- 1. hizkuntza-eskakizuna: 5 puntu

5. Hautaketa-prozesuaren kalifikazioa

Izangaien azken kalifikazioa hautaketa-prozesu osoan lortutako puntuazioen baturak zehaztuko du.

6. Lan-poltsa

Hautapen-prozesuaren emaitzekin lan-poltsa bat eratuko da, oposizio aldiko ariketak gainditu dituzten izangaiekin. Hasieran, 3 urteko iraupena izango du lan-poltsa horrek, eta aldi baterako langile-beharrizanak betetzeko baliatuko da. Lan-poltsa, bestalde, Basauriko Udaleko lan-poltsai buruzko araudian ezarritakoaren arabera kudeatuko da, jarraian datorren paragrafoan adierazitakoaren kalterik gabe.

Aurreko paragrafoan ezarritakoaren arabera eraturako lan-poltsa agortzen bada, beste lan-poltsa batzuen aurrean lehentasuna izango dute nahitaezkoak eta baztertzailak diren probarik gehien gainditu dituzten izangaiek osatutako zerrendek, gainditutako proba horietan guztira lortutako puntuen hurrenkeran.

Berdinketarik gertatuz gero, deialdi honetan bertan ezarritako irizpideen arabera ebatziko dira: lehenengo, Emakumeen eta Gizonen Berdintasunerako otsailaren 18ko 4/2015 Legean aurreikusitako irizpideen arabera; bigarren, oposizio-aldiko bigarren ariketan kalifikazio altuena lortu duenaren alde; hirugarren, oposizio-aldiko lehen ariketaren B) atalean puntu gehien lortu duenaren alde, eta, azkenik, zozketa bidez.

7. Lehentasun-klausula aplikatzea.

Euskal Funtzio Publikoari buruzko uztailaren 6ko 6/1989 Legearen 27.2 artikulua aplikatzeko, artikulua horretan aurreikusitako berdinketa hausteko klausula aplikatuko da, Administrazio Bereziko Eskalako Zerbitzu Berezien Azpieskalan (lanbideetako langileen klasea, C taldea, C2 azpitaldea) emakumeen azpiordezkaritza dagoelako.

I. Eranskina

GAITEGIA

ZATI OROKORRA

1. **gaia:** 1978ko Espainiako Konstituzioa Printzipio orokorrak.

2. **gaia:** Euskal Herriaren Autonomia Estatutua: Euskal Herriaren Autonomia Estatutuaren



abenduaren 18ko 3/1979 Lege Organikoa: Atariko titulua.

3. gaia: Udal-antolaketa. (Espainiako Konstituzioaren 140. artikulua). Udal-antolaketa (Toki Araubidearen Oinarriak arautzen dituen apirilaren 2ko 7/1985 Legearen 19. eta 20. artikulua).

4. gaia: 3/2007 Lege Organikoa, martxoaren 22koa, Emakumeen eta Gizonen Berdintasun Eragingarrirakoa. Legearen xedea. Aplikazio-eremua. Emakumeen eta gizonen arteko tratu-berdintasunaren printzipioa. Administrazio publikoen jarduteko irizpideak (1., 2., 3. eta 51. artikulua)

ZATI ESPEZIFIKOA.

5. gaia: Galdaragintzan eta errementaritzan erabiltzen diren metalak. Ezaugarriak. Haiekin lan egitean kontuan hartu beharreko ezaugarriak.

6. gaia: Soldadura eta ebaketa motak.

7. gaia: Errementaritzako eta galdaragintzako makinak, tailerrekoak eta eskuzkoak (ebakitzea, soldatzea, tolestea, torneatzea, mihiztatzea, etab.). Material osagarriak.

8. gaia: Obren zuinketa. Krokisak egitea. Neurtzea. Hiri-altzariak. Motak eta konponketa ohikoena. Altzairu, burdinurtu, galbanizatu eta herdoilgaitzeko lanak.

9. gaia: Neurketa-sistemak ezagutzea.

10. gaia: Planoak interpretatzea.

11. gaia: Material metalikoak elkartzeko edo metalikoak eta ez-metalikoak elkartzeko elementuak. Finkagailuak eta aingurak. Materialak eta lanak egitea.

12. gaia: Bide publikoan elementu mugikorak edo finkoak muntatzea; tribunak, kartelak, seinaleak, askotariko egiturak eta abar.

13. gaia: Elementu metalikoak babesteko pinturak eta tratamenduak. Korrosioa duten elementuak saneatzea.

14. gaia: Errementaritzako materialak, bide publikoan egindako obretan.

15. gaia: Eraikinetarako edo bide publikorako leihoak, atek, hesiak, atakak, barandak eta bestelako elementu metalikoak egitea, jartzea, konpontzea eta doitzea.

16. gaia: Sarrailagintza. Materialak, lanabesak, aingurak, erremintak, makina espezifikoak. Aluminiozko arotzeria.

17. gaia: Pertsianak. Motak. Funtzionamendua. Konponketa. Ateak eta leihoak. Motak. Erabilitako materialak, itxitura motak, markoak. Askotariko burdineria.

18. gaia: 31/1995 Legea, azaroaren 8koa, Lan-arriskuen prebentzioari buruzkoa. Seinaleak eta ebakuazioa. Bide publikoko obrak seinaleztatzea. Zarata, bibrazio eta agente kimikoen eragina, eta dagozkion NBEak. Lan-arrisku espezifikoak prebenitzea, hodigintza-soldadurako zereginetan.